



Le parvo del nave

Un vice quando le molbos esseva in Århus, illes videva un nave passar remolcante un barchetta. Durante longe tempore, illes esseva in dubita de lo que illes videva. Alunos credeva que illo esseva un grande phoca, alteres que illo esseva un balena. Ma quando illes se approximava plus, illes videva que illo esseva un nave, e allora le barchetta debeva esser su parvo.

Illes habeva longemente desirante posseder un grande nave, ma illes non habeva jammais habite le moneta pro comprar se uno. Pro isto illes ora habeva le idea de comprar le barchetta, proque illes sperava que illo tosto crescerea e devenirea equalmente grande como su matre. Illes negotiava con le capitano super illo, e finalmente illes comprava le parvo e partiva con illo a casa.

Quando illes habeva arrivate al terra, illes attachava le parvo del nave al plagia, ubi cresceva herba bellemente verde. Illes lo moveva cata singule die, ma proque illes non

pensava que illo habeva crescite multo post un mense, illes comenciava parlar de que facer pro facer lo crescer. Illes concordava poner lo in le prato le plus grasse. La illo debeva prosperar, illes pensava. Ma quando un nove mense habeva passate, illo non habeva crescite del toto.

Le molbos ora esseva convincte que illes habeva essite dupate, e illes se reprochava de haber comprate lo. Il ya esseva clar pro omnes que illo esseva un povretto malade e miserabile, que non jammais devenirea qualcosa.

Un de illes proponeva que illes o debeva dar lo in intercambio o transportar lo retro al capitano a fin que illo poteva esser ancora un anno presso su matre. Isto illes omnes trovava un bon idea, e illes navigava immediatamente retro al capitano con illo.

Quando illes se approximava al nave, le barchetta comenciava bascular in le mar.

“Il ha ancora vita in illo,” diceva


VOCABULARIO



nave



phoca



balena



moneta



plagia

remolcar traher, tirar – **barchetta** parve barca, parve nave – **esser in dubita** non saper que facer – **approximar se** venir plus proxime – **parvo** baby – **longemente** durante longe tempore – **comprar** pagar moneta – **crescer** devenir plus grande – **equalmente grande** exactamente si grande – **capitano** chef del nave – **partir** ir via – **attachar** ligar, fixar – **mense** 30 (o 31) dies – **concordar** esser del mesme opinion – **prato** terra con herba – **grasse** corpulente, ric – **prosperar** devenir ric – **dupar** fraudar – **reprochar se** esser triste – **povretto** parve cosa povre – **malade** non san e fresc – **in intercambio** haber un altere in vice de illo – **presso** vicin, proxime – **bascular** mover se a ambe lateres



■ Mols es un parte geographic del peninsula danese Jutlandia. Mols es ric de collinas. Le habitantes de Mols es appellate *molbos* e es considerate un poco stupide per le resto del daneses. Assi existe multe historias del molbos.

le molbo le plus vetere. “Vide, como le parve povretto gaude a retornar a su matre!”

Illes dava al capitano un grande summa de moneta a fin que le parvo esseva permittite esser ancora un anno presso su matre, usque illo mesme habeva apprendite mangiar herba.

Traduction: Thomas Breinstrup (2007)

QUESTIONES AL HISTORIA

Que credeva le molbos vider?
Qual esseva lor plano?
Con qui negotiava illes?
A ubi attachava illes le parvo?
Ubi voleva illes poner le parvo post un mense?
Qual esseva lor solution?